



PROPOZICIJE

„FAIR PLAY“ LIGE
ZA SEZONU 2025/2026

OPŠTE ODREDBE

Član 1.

Ovim propozicijama uređuje se oblik takmičenja u „BH TELECOM FAIR PLAY“ Ligi (u daljem tekstu: Liga) za takmičarsku godinu 2025/2026.

Propozicijama se uređuju poredak, prava i dužnosti koja proizilaze iz takmičenja u ovoj sezoni.

Član 2.

Ligom rukovodi Takmičarska komisija, koja daje tumačenje ovih pravila.

Član 3.

Ligu čini jedanaest (11) ekipa, koje se takmiče u jednoj grupi, gdje svaka ekipa igra po jednu utakmicu sa svakom drugom ekipom u Ligi.

Član 4.

Takmičenje se odvija po ligaškom sistemu takmičenja, nakon čega slijedi play-off za prvaka koji se sastoji od četvrtfinala, polufinala, utakmice za 3. mjesto i finala.

U play-off dijelu takmičenja će se plasirati osam najbolje plasiranih ekipa prema postignutim rezultatima prvog kruga takmičenja. U nastavku je data šema formiranja parova play-off-a.

Četvrtfinale (Q):	Polufinale (S):	Utakmica za 3. mjesto i FINALE
A1 – A8 (Q1)	Q1 – Q4 (S1)	Utakmica za 3. mjesto (poraženi S1 – S2)
A2 – A7 (Q2)		
A3 – A6 (Q3)	Q2 – Q3 (S2)	Utakmica za 1. mjesto (pobjednici S1 – S2)
A4 – A5 (Q4)		

U četvrtfinalu play off-a za prvaka lige igra se po jedna utakmica, pobjednici prolaze u polufinale i razigravaju za finale lige, a potom slijedi jedna utakmica za prvaka Lige, odnosno jedna utakmica koja će odrediti koja ekipa će zauzeti 3. mjesto u Ligi. Nema razigravanja za poredak ekipa koje su ispale iz takmičenja.

Ako susreti play off-a završe neodlučenim rezultatom, pobjednik se dobija izvođenjem penala. Svaka ekipa će odrediti igrače koji će učestvovati u izvođenju penala. Svaka ekipa će izvesti po 5 (pet) penala, koje izvode različiti igrači naizmjenično, a ako i nakon toga ne bude pobjednika, on će se odlučiti pojedinačnim izvođenjem penala. Penale moraju izvoditi svi igrači koji su u zapisniku utakmice za svaku ekipu, po rasporedu koji pravi predstavnik ekipe prije početka izvođenja penala.



PROPOZICIJE

„FAIR PLAY“ LIGE
ZA SEZONU 2025/2026

Član 5.

Grupni dio takmičenja provodi se po jednostrukom bod-sistemu, dok se u play-off-u igra jedna utakmica po kup sistemu.

Član 6.

Raspored utakmica i grupe se određuju žrijebom, kojim rukovodi Delegat, s tim što žrijeb može biti i dirigovan a u skladu sa članom 4.

Član 7.

Delegat određuje termine odigravanja utakmica i o istim obavještava predstavnike ekipa.

Član 8.

Zahtjev za izmjenu termina odigravanja utakmica može se podnijeti najkasnije 3 (tri) dana prije utvrđenog termina odigravanja utakmice, uz prethodnu saglasnost protivničke ekipe.

U svakom slučaju, o zahtjevima za izmjenu termina odigravanja utakmica odlučuje Takmičarska komisija.

Član 9.

Grupni dio takmičenja se odvija prema jednostrukom bod sistemu.

Ekipa za ostvarenu pobjedu u utakmicama dobija tri (3) boda, za neriješen rezultat jedan (1) bod, odnosno za izgubljenu utakmicu nula (0) bodova.

Konačan poredak ekipa u ligaškoj fazi utvrđuje se na osnovu ukupnih rezultata (bodova) ostvarenih u toku iste.

Član 10.

Na kraju ligaške faze takmičenja, u slučaju jednakog broja bodova dvije ekipe, konačan poredak ekipa odredit će se na osnovu:

1. rezultata međusobnih susreta;
2. fair play koeficijent (zbir žuti + crveni kartoni / broj utakmica);
3. bolje razlike postignutih i primljenih pogodaka (gol razlika);
4. broj postignutih pogodaka;
5. žrijeb.

U slučaju jednakog broja bodova tri ili više ekipe, konačan poredak će se odrediti na osnovu mini tabele, sa primjenom kriterija iz prethodnog stava.

Član 11.

Pravo učestvovanja na utakmicama Lige imaju igrači koji su registrovani pri nadležnom tijelu Lige najmanje pet (5) dana prije početka Lige, osim u slučaju kada ekipa mijenja nekog igrača u ekipi ili popunjava neupražnjeno mjesto u ekipi tokom trajanja Lige, ali ne kasnije od 48 sati prije početka utakmice.



PROPOZICIJE

„FAIR PLAY“ LIGE
ZA SEZONU 2025/2026

Registracija igrača se provodi kod organizatora Lige i to na način da:

- Predstavnik ekipe je dužan dostaviti osnovne informacije o igraču: ime, prezime i datum rođenja.¹
- Predstavnik ekipe je dužan prije početka lige dostaviti spisak sa navedenim podacima o igračima, te svojim potpisom potvrditi da se slaže sa prijavom za predmetnu ekipu i da prihvata Propozicije i Pravilnik Lige.

Ne mogu se angažovati profesionalni igrači u rangu od prve Lige u malom fudbalu F BiH i RS, uključujući i profesionalne igrače Premijer lige, Prve lige F BiH i Prve lige RS i Druge lige F BiH.

Izuzetak od prethodnog stava za sezonu 2025./2026. su igrači do 19 godina (U19), rođeni 01.01.2006. godine i kasnije.

Ukoliko je igrač registrovan u nekoj od liga ranga od prve Lige u malom fudbalu F BiH i RS, uključujući i profesionalne igrače Premijer lige, Prve lige F BiH i Prve lige RS i Druge lige F BiH, isti može nastupiti isključivo ukoliko dostavi urednu ispisnicu iz kluba za koji je bio registrovan, a kojom ispisnicom dokazuje i deregistraciju iz navedenih rangova fudbalskih/futsal takmičenja. Svaka zloupotreba ili falsifikovanje ispisnice radi nastupa u Ligi, povlači sankciju trajne suspenzije iz Lige, kao i sankciju za ekipu i predstavnika ekipa u skladu sa odlukom Takmičarske komisije, koja će utvrditi težinu prekršaja, te će ekipi za koju je igrač nastupio biti oduzeti bodovi sa svih utakmicama u kojima je nastupio.

Član 12.

Prijava igrača obavlja se isključivo na ovjerenim spiskovima za koje odgovara predstavnik ekipe, a koje će Delegat takmičenja sačuvati za slučaj provjere identiteta igrača i prava nastupa u Ligi u sistemu „COMET“.

Član 13.

Prije početka takmičenja ekipa mora prijaviti najmanje 10 igrača.

Dodatne prijave igrača su moguće uz plaćanje takse od 100,00 KM po igraču koji se naknadno prijavljuje do kraja ligaškog dijela takmičenja, dok taksa za naknadnu prijavu igrača u periodu između završenog grupnog dijela takmičenja i početka play-off faze iznosi 200,00 KM po igraču.

Nije moguća naknadna prijava igrača nakon početka play-off faze takmičenja. Maksimalni broj igrača koji je moguće prijaviti je 14 po ekipi.

Član 14.

Svaki učesnik takmičenja dužan je imati i na zahtjev službenih osoba utakmice (delegat, sudija) predložiti dokument kojim se nedvosmisleno može utvrditi njegov identitet.

Član 15.

U toku takmičarske godine, a u skladu sa odredbama Propozicija takmičenja, igrač može biti registrovan

¹ Datum rođenja se koristi isključivo u svrhu provjere podataka igrača u sistemu „COMET“, radi određivanja prava nastupa u skladu sa ovim Propozicijama. Organizator garantuje zaštitu ličnih podataka i korištenje istih isključivo u svrhu provjera i statističkih podataka.



PROPOZICIJE

„FAIR PLAY“ LIGE
ZA SEZONU 2025/2026

samo za jednu ekipu, te nije moguća njegova registracija i nastup za drugu ekipu u toku takmičarske godine.

Član 16.

Pravo učešća na utakmicama Lige nemaju igrači i predstavnici ekipe koji su pod suspenzijom, ili pod nekom drugom kaznom zabrane učešća u takmičenju izrečene od strane Takmičarske komisije Lige.

Član 17.

Pravo učešća na utakmicama nemaju osobe koje su vidno pod utjecajem alkohola ili nekog drugog opojnog sredstva.

O njihovom daljem učešću na utakmici odlučuje delegat, a o daljem učešću na takmičenju odlučuje takmičarska komisija čija odluka je konačna.

Član 18.

Pravo učešća na utakmicama Lige nemaju igrači koji su prijavljeni za ekipu bilo kojeg ranga nogometnog takmičenja Nogometnog saveza Bosne i Hercegovine (NSBiH) isključujući takmičenja Kantonalnih nogometnih saveza BiH (u sezoni 2025/2026 takmičenja koje organizuje NSBiH), za koje igrače je dozvoljen nastup u sezoni 2025/2026, osim igrača registrovanih kao nogometni veterani (35+ godina).

Ukoliko igrač koji je prijavljen za ekipu bilo kojeg ranga nogometnog takmičenja Nogometnog saveza Bosne i Hercegovine (NSBiH), isključujući takmičenja Kantonalnih nogometnih saveza BiH (u sezoni 2025/2026 takmičenja koje organizuje NSBiH), nastupi na utakmici Lige, ekipa se kažnjava oduzimanjem

eventualno osvojenih bodova na utakmici u kojoj je taj igrač nastupao, a rezultat utakmice na kojoj je nastupio se registruje službenim rezultatom u korist protivničke ekipe (5:0).

Trener i predstavnik te ekipe mogu dobiti do 10 utakmica zabrane vođenja ekipe.

Član 19.

Pravo učešća na utakmicama Lige imaju osobe sa navršених 16 godina života u trenutku početka Lige i mogu se registrovati kao članovi ekipe.

Član 20.

Ispravnost i tačnost podataka na Prijavnoj listi i drugim službenim dokumentima Lige potvrđuje potpisom i za iste odgovara predstavnik ekipe.

Član 21.

Utakmice se odigravaju na mjestu i u vrijeme koje odredi organizator takmičenja i ne toleriše se nikakvo kašnjenje niti izmjena satnice, osim ako su te izmjene odobrene od strane Takmičarske komisije, u skladu sa odredbama Propozicija.

Ukoliko se jedna ekipa neopravdano ne pojavi u zakazanom terminu, biti će joj oduzeta 3 boda i rezultat će biti registrovan službenim rezultatom 5:0 za protivničku ekipu.



PROPOZICIJE

„FAIR PLAY“ LIGE
ZA SEZONU 2025/2026

Ako se obje ekipe ne pojave u zakazanom terminu utakmice, objema ekipama će biti oduzeta po 3 boda, a treneri i predstavnici ekipa mogu dobiti do 5 utakmica zabrane vođenja ekipa.

Ukoliko se kod bilo koje ekipe ponovi slučaj iz prethodnog stava, ta ekipa će biti diskvalifikovana, a rezultati te ekipe koje je postigla do tada će biti poništeni, a postignuti rezultati drugih ekipa protiv diskvalifikovane ekipe se poništavaju i brišu.

U slučaju da se ekipa ne pojavi u zakazanom terminu sa prethodnom najavom izostanka i sa opravdanim razlozima koje će procijeniti Takmičarska komisija, rezultat će biti registrovan službenim rezultatom 5:0 za protivničku ekipu.

Samo u iznimnim slučajevima i zbog više sile, a uz pristanak protivničke ekipe, situacija iz prethodnog stava ovog člana može biti riješena na način da se organizuje naknadno odigravanje utakmice, u kojem slučaju ekipa koja se nije pojavila u prethodno zakazanom terminu, snosi sve dodatne troškove koje organizator bude imao zbog organizacije naknadnog odigravanja utakmice

Član 22.

Utakmica se sastoji od dva jednaka vremenska razdoblja (poluvremena) od kojih svako traje 20 minuta, a vrijeme odmora između dva poluvremena traje najduže 5 minuta.

Mjeritelj vremena zaustavlja sat (kronometar):

- na kraju poluvremena i utakmice;
- u slučaju zatraženog jednogminutnog odmora ("time-out");
- u slučaju izvođenja kaznenih udaraca isključivo na znak sudije utakmice;
- u slučaju prekida igre, isključivo na znak sudije ili delegata utakmice;
- dvije posljednje minute drugog poluvremena kada lopta nije u terenu (što je u suprotnosti sa uobičajenim pravilima futsala).

U svim ostalim situacijama, sudije nisu obavezne davati znak za zaustavljanje sata. Delegat može zaustaviti utakmicu u iznimnim slučajevima u svakom trenutku, ukoliko dešavanja na terenu ili tribinama budu to zahtijevala.

Član 23.

Svaka ekipa ima pravo na 1 (jedan) time-out po poluvremenu, koji traje 1 (jednu) minutu i može ga zatražiti u bilo koje vrijeme utakmice.

Time-out treba najaviti sudiji ili delegatu, a oni će dozvoliti njegovo korištenje u prvom sljedećem prekidu utakmice i to u trenutku kada je lopta u posjedu ekipe koja je zatražila time-out.



PROPOZICIJE

„FAIR PLAY“ LIGE
ZA SEZONU 2025/2026

SUDIJE UTAKMICE

Član 24.

Za sve utakmice Lige, sudije delegira Udruženje fudbalskih sudija i instruktora Kantona Sarajevo (UFSIKS), a kontroliše Delegat takmičenja.

Član 25.

Utakmicu sude dvojica sudija koji su mjerodavni za događaje na terenu, kao i za rezultat utakmice.

Delegat prati vrijeme trajanja igre, koje je transparentno na vidljivom display-u, kontroliše da se zamjene igrača vrše pravilno u prostoru predviđenom za zamjene, kontroliše ponašanje igrača i rukovodstva ekipa na klupama.

Delegat može sugerisati sudijama i direktno korigovati sudijske greške radi sankcionisanja događaja koji krše Pravila i Propozicije Lige na terenu, a koji se odnose na samu igru i ponašanje takmičara, te ima pravo da sugeriše i sankcioniše ono što sudija nije vidio kao što je vrijeđanje, galama, psovka i slično.

Ako delegat uoči nepravilnosti u sudijskim odlukama ili uoči kršenje Pravila ili Propozicija, nakon prvog prekida igre dužan je o tome obavijestiti sudiju radi ispravke greške sudije ili sankcionisanja igrača.

Član 26.

Ako sudija, određen za suđenje utakmice, ne dođe na teren u vrijeme određeno za početak utakmice, istu će suditi pomoćni sudija, a u slučaju nedolaska pomoćnog sudije ekipe će se sporazumno dogovoriti i izabrati osobu koja će suditi utakmicu.

Član 27.

Sudija koji se u obavljanju svoje dužnosti nedovoljno zalaže ili se ne pridržava, odnosno ne provodi zaključke i upute Delegata takmičenja ili koji pokaže nedovoljno poznavanje Pravila futsal igre ili Pravila i Propozicija Lige, kao i nepoštivanje fair play duha u donošenju odluka, biti će izostavljen u jednom ili više kola takmičenja, o čemu, na prijedlog Delegata, odlučuje Takmičarska komisija.

ZAPISNIK UTAKMICE

Član 28.

Za svaku utakmicu Lige sačinjava se zapisnik o odigranoj utakmici, a prema obrascu kojeg je utvrdio organizator takmičenja.

Sudionici utakmica dužni su predložiti ispravne podatke potrebne za zapisnik.

Zapisnik o utakmici vodi zapisničar koji je obavezan zapisnik sa utakmice ispisati u jedan (1) primjerak i dati ga na potpis predstavnicima ekipa i delegatu.



PROPOZICIJE

„FAIR PLAY“ LIGE
ZA SEZONU 2025/2026

Zapisnik u ime ekipa potpisuju redom

- 1) Predstavnik ekipe
- 2) Trener ili
- 3) kapiten ekipe

Delegat je dužan sačuvati primjerak zapisnika do okončanja tekuće sezone Lige, te kontrolisati ispravnost zapisnika.

Član 29.

Za zapisničkim stolom smiju se nalaziti samo službene osobe utakmice. Službene osobe su lica koja učestvuju u organizaciji Lige, delegat, mjeritelj vremena, zapisničar i medicinsko osoblje. Prostor ispred i oko zapisničkog stola treba biti slobodan i pregledan zbog praćenja utakmice od strane delegata i zapisničara, te njihove nesmetane komunikacije sa sudijama.

Član 30.

Žalbu na odigranu utakmicu službeni predstavnici ekipa mogu izjaviti u pisanim putem ili putem elektronske pošte najkasnije u roku 24 sata nakon završetka utakmice, uz obavezu najave žalbe najkasnije 30 minuta od završetka utakmice.

U slučaju izjavljene žalbe od strane ekipe, delegat i sudije utakmice dužni su se pismeno izjasniti na navode iz žalbe, te će delegat nakon toga žalbu sa izjašnjenjima proslijediti Takmičarskoj komisiji na odlučivanje. Takmičarska komisija odlučuje u roku od 48 sata od trenutka izjavljivanja žalbe.

DISCIPLINSKA ODGOVORNOST

Član 31.

O disciplinskoj odgovornosti svih sudionika takmičenja odlučuje Takmičarska komisija Lige u skladu s odredbama Propozicija Lige i Disciplinskog pravilnika Lige.

Član 32.

U slučaju isključivanja iz igre ili nesportskog ponašanja igrača prema sudionicima takmičenja, delegat i sudije utakmice dužni su nakon utakmice u zapisnik navesti činjenice i okolnosti koje su tome prethodile i o tome upoznati Predstavnik ekipe.

Ukoliko se predstavnik ekipe ne slaže sa činjenicama i okolnostima navedenim u zapisniku i želi Takmičarskoj komisiji predložiti svoje viđenje stvari, dužan je to učiniti u roku od 30 minuta od odigravanja utakmice.

Nakon što zaprimi zapisnik, odnosno izjašnjenje predstavnika ekipe, Takmičarska komisija je dužna u roku od 48 sata donijeti odluku o eventualnoj sankciji.



PROPOZICIJE

„FAIR PLAY“ LIGE
ZA SEZONU 2025/2026

Član 33.

Na osnovu zapisnika i izjava službenih osoba Takmičarska komisija će registrovati utakmicu službenim rezultatom 5:0 u korist protivničke ako:

- a) ekipa nije došla iz neopravdanih razloga;
- b) ekipa odbije igrati iz neopravdanih razloga;
- c) je ekipa nastupila s igračem koji nije imao pravo nastupa;
- d) ekipa napusti igralište ili odbije nastaviti započetu utakmicu;
- e) se krivnjom ekipe trajno prekine utakmica;
- f) zbog fizičkog napada na službene osobe utakmice.

Ako je u trenutku prekida rezultat bio povoljniji za suprotnu ekipu, tim će se rezultatom i registrovati utakmica.

Ako se utakmica registruje službenim rezultatom na osnovu člana 33. stav f), ekipa će se kazniti i oduzimanjem (3) tri boda.

Ako se utakmica registruje službenim rezultatom, eventualni golovi postignuti od bilo koje ekipe neće se priznati strijelcima.

Član 34.

Ekipu na terenu sačinjava 5 (pet) igrača, od kojih 1 (jedan) treba biti golman.

Da bi ekipa mogla nastupiti, potrebno je da na igralište istrče najmanje 4 (četiri) igrača (3+1).

Ako u slučaju isključenja igrača ili nekog drugog razloga, u bilo kojoj ekipi ostanu manje od tri igrača (uključujući i golmana) utakmica će biti prekinuta i registrovana postignutim rezultatom u trenutku prekida, a u slučaju da ekipa koja ostane bez propisanog broja igrača na terenu ima povoljan rezultat (pozitivan ili izjednačen), utakmica će se registrovati službenim rezultatom u korist protivničke ekipe.

Član 35.

Ekipe nastupaju u jednoobraznoj sportskoj odjeći, a na dresovima moraju biti jasno naznačeni brojevi.

Gornji dio opreme može biti kratkih ili dugih rukava, a donji dio mora biti ispod koljena u skladu sa vizuelnim prikazom koji kao prilog 1 čini sastavni dio Propozicija.

Igrač koji je registrovan sa određenim brojem i zaduži taj broj na dresu, ne može nastupiti sa drugim brojem u nastavku Lige, izuzev u slučaju više sile, a o čemu će eventualno na terenu odlučiti delegat takmičenja uz konsultaciju sa Takmičarskom komisijom po potrebi.

U slučaju da će igrač nastupiti sa brojem pod kojim nije registrovan na početku sezone, delegat će prije početka utakmice upisati broj igrača u službenom zapisniku utakmice.



PROPOZICIJE

„FAIR PLAY“ LIGE
ZA SEZONU 2025/2026

Predstavnik ekipe, kao i igrači, dužni su se pobrinuti da jedan igrač nosi jedan broj tokom cijelog trajanja takmičarske sezone.

Delegat može zabraniti nastup igraču koji nema propisanu opremu.

Golman mora imati dres druge boje u odnosu na svoju ekipu i u odnosu na opremu igrača suprotne ekipe na terenu (isključujući golmana).

Ako i jedna i druga ekipa imaju istu sportsku odjeću, gostujuća ekipa mijenja boju ili joj se dodjeljuju odgovarajući „markeri“ u kojem će odigrati utakmicu.

Igrači na klupi za rezervne igrače su dužni nositi markere sve vrijeme trajanja utakmice.

Član 36.

Isključeni igrači ne mogu sjediti na klupi, kao niti osobe koje se ne nalaze u zapisniku ekipe koja igra utakmicu.

Na klupi mogu sjediti isključivo trener, predstavnik ekipe i igrači ekipe koji toga dana nastupaju u sportskoj opremi u skladu sa Propozicijama, a zavedeni su u zapisnik.

Član 37.

Ekipa može biti sastavljena od najviše 14 igrača po ekipi u zapisniku za jednu utakmicu.

Član 38.

Prijava igrača radi se isključivo na ovjerenim spiskovima za koje odgovara predstavnik ekipe, a koje će Delegat takmičenja sačuvati za slučaj provjere identiteta igrača.

Član 39.

Ako ne bude postojala mogućnost utvrđivanja identiteta igrača, na prijavu protivničke ekipe ili Delegata takmičenja, utakmica će se registrovati rezultatom 5:0 u korist protivničke ekipe.

Spomenuti igrač će ujedno biti kažnjen zabranom igranja do kraja takmičarske sezone, a ekipa oduzimanjem jednog (1) boda.

Član 40.

Delegat takmičenja osigurava zapisnik kojeg će na kraju utakmice potpisati i arhivirati.

Ako kojim slučajem zapisnik bude uništen, piše se novi, a protiv osobe koja je uništila original, pokreće se disciplinski postupak.

Potpisom zapisnika utakmice, predstavnik ekipe potvrđuje njegovu ispravnost, tako da Delegat takmičenja može ažurirati rezultat, strijelce i kažnjene igrače.



PROPOZICIJE

„FAIR PLAY“ LIGE
ZA SEZONU 2025/2026

Svaka ekipa je dužna obavijestiti Delegata takmičenja o igračima koji će nastupiti na utakmici najkasnije prije početka iste.

Član 41.

Vrijeme čekanja ekipe je 10 minuta, od predviđenog početka utakmice. Ako se ekipa ne pojavi ni nakon 10 minuta, Delegat će konstatovati na zapisniku i utakmica će se registrovati službenim rezultatom u korist protivničke ekipe.

Ukoliko se obje ekipe ne pojave 10 minuta nakon predviđenog početka utakmice, primjenjuju se odredbe u skladu sa ovim Propozicijama.

Član 44.

Isključenje igrača iz igre (crveni karton) automatski povlači za sobom kaznu neigranja najmanje jedne utakmice.

Član 45.

Sve javne opomene (žuti kartoni) zbrajaju se i vrijede do završetka takmičenja (poništavaju se na kraju grupnog dijela takmičenja, osim disciplinskih kazni izrečenih od strane Takmičarske komisije).

U slučaju treće javne opomene (žuti karton) igrač automatski dobiva kaznu neigranja prve sljedeće utakmice, a koja suspenzija se prenosi i u play-off fazu.

Član 46.

Za svaki dobijeni žuti karton ekipa je dužna uplatiti naknadu od 5,00 KM.

Za svaki dobijeni direktan crveni karton, ekipa je dužna uplatiti naknadu od 20,00 KM.

Za svakog igrača koji dobije dva žuta kartona iz čega proizađe crveni karton, ekipa plaća naknadu od ukupno 25,00 KM (5,00 KM za žuti i 20,00 KM za crveni karton).²

Ekipe su dužne blagovremeno izvršavati uplate naknada za dobijene žute i crvene kartone, o čemu evidenciju vodi delegat takmičenja.

Ekipe koje ne izvrše uplatu naknade za dobijene žute i crvene kartone blagovremeno, nemaju pravo nastupa u sljedećem kolu.

Član 47.

Zbog isključivanja iz igre ili nesportskog ponašanja igrača prema sudionicima takmičenja (uključujući i gledaoce), Takmičarska komisija Lige može izreći kaznu:

- opomene;
- neigranja jedne ili više utakmica;

² Prihod od kartona se donira u humanitarne svrhe po završetku takmičenja.



PROPOZICIJE

„FAIR PLAY“ LIGE
ZA SEZONU 2025/2026

- isključivanja iz takmičenja.

Član 48.

Isključenje igrača u igri, na klupi ili isključivanje predstavnika ekipe, ostavlja ekipu 2 (dvije) minute sa igračem manje. Ukoliko ta ekipa u tom periodu primi gol, može se popuniti sa novim igračem i prije isteka kazne. Ovo pravilo ne vrijedi ukoliko ekipa postigne gol.

Član 49.

Igrač ili predstavnik ekipe koji su isključeni moraju otići u svlačionicu ili na tribine.

Član 50.

U slučaju da igrač izazove incident većeg razmjera (fizički obračun) automatski će biti suspendovan iz daljnjeg takmičenja, a o čemu će odlučiti Takmičarska komisija.

Član 51.

Kazna neigranja jedne ili više utakmica prenosi se u play-off, odnosno sljedeću takmičarsku sezonu ukoliko nije izdržana u tekućoj sezoni.

Odluku o isključivanju iz takmičenja može poništiti samo tijelo koje je i donijelo, uz obrazloženje opravdanih razloga poništenja takve odluke.

Član 52.

Za rezervne igrače na klupi i predstavnika ekipe na klupi vrijede jednaka pravila ponašanja i disciplinske mjere kao i za igrače u igri.

Član 53.

Predstavnik ekipe (trener ukoliko predstavnik nije prisutan) i/ili kapiten ekipe jedini imaju pravo da na fer način prigovore na suđenje u toku utakmice, isključivo sudiji ili delegatu.

U slučaju nefer prigovora od strane predstavnika (trenera) ekipe i/ili kapitena ekipe na suđenje, isti će biti sankcionisani sa žutim, odnosno crvenim kartonom ili u slučaju težeg prekršaja odlukom Takmičarske komisije.

Član 54.

Službene osobe utakmice mogu podnijeti disciplinsku prijavu protiv igrača ili predstavnika ekipe, a koju razmatra Takmičarska komisija Lige.

Član 57.

U slučaju prekida utakmice iz objektivnih razloga, ista se registruje postignutim rezultatom ako je odigrano najmanje 75% vremena te utakmice, u protivnom, utakmica se ponavlja u terminu kojeg odredi organizator takmičenja.



PROPOZICIJE

„FAIR PLAY“ LIGE
ZA SEZONU 2025/2026

Član 58.

Ukoliko ekipa odustane od takmičenja ili bude kažnjena izbacivanjem iz Lige od strane ovlaštenog tijela Lige, svi rezultati te ekipe se brišu, a ekipi i igračima te ekipe se može zabraniti nastup za sljedeću takmičarsku sezonu, od strane ovlaštenog tijela Lige.

Član 59.

Ukoliko ekipa samovoljno u toku utakmice napusti teren, ista može biti izbačena iz daljnjeg takmičenja ili sankcionisana nekom drugom kaznom od strane Takmičarske komisije.

Član 60.

Ukoliko jedna ili obje ekipe ne žele odigrati utakmicu, iako su za istu od strane organizatora obezbijeđeni svi uslovi, obje ekipe mogu biti izbačene iz daljnjeg takmičenja odlukom Takmičarske komisije, a njihovi rezultati će se brisati.

Član 61.

Ukoliko su pojedine ili sve utakmice jednog kola takmičenja odgođene od strane službenog tijela Lige, odgođene utakmice će se odigrati u naknadno određenom terminu i na igralištu koje odredi organizator takmičenja.

Član 62.

Najbolji strijelac takmičenja postati će igrač koji postigne najviše golova.

Ako dva ili više igrača postigne isti broj golova, najbolji strijelac će biti određen boljim fair-play koeficijentom, a ako i u tom slučaju dva ili više igrača bude izjednačeno, najbolji strijelac će s biti određen računanjem prosjeka datih golova s obzirom na broj odigranih utakmica.

Ako i to bude jednako, bolji strijelac će biti onaj koji je postigao više golova iz igre.

UPRAVLJANJE LIGOM

Član 63.

Tijela Lige čine:

- Delegat takmičenja i
- Takmičarska komisija

Član 64.

Takmičarska komisija

Najviše je tijelo Lige, a sastav Takmičarske komisije određuje Upravni odbor SU FP. Takmičarska komisija se sastoji od tri (3) člana i odluke donosi prostom većinom. U okviru svoje nadležnosti Takmičarska komisija:

- utvrđuje plan i program takmičenja,



PROPOZICIJE

„FAIR PLAY“ LIGE
ZA SEZONU 2025/2026

- odlučuje o sudionicima takmičenja i broju sudionika takmičenja,
- odlučuje o drugim važnim pitanjima vezanim za razvoj i promociju Lige, kao i za provedbu i promociju fair-play duha.

Član 65.

Takmičarska komisija sastaje se po potrebi.

Odluke Takmičarske komisije su konačne i na njih nije moguće izjaviti žalbu.

Član 66.

Delegat takmičenja

- rukovodi takmičenjem u skladu s Propozicijama Lige i odlukama Takmičarske komisije;
- predlaže izmjene i dopune Propozicija i Pravilnika Lige;
- prati sistem i organizaciju takmičenja, te predlaže izmjene i dopune istog;
- brine o pravilnoj primjeni Pravila igre futsala;
- odlučuje o svim pitanjima za koja ga ovlasti Takmičarska komisija.

ODREDBE VEZANE ZA PRAVILA IGRE

Član 67.

Utakmice Lige odigravaju se prema propisima Pravila igre za mali nogomet (futsal) izdane od FIFA-e (FUTSAL Laws of the Game 2024/2025), dok su ostali propisi određeni Propozicijama Lige i Disciplinskim pravilnikom Lige.

OSTALE ODREDBE

Član 68.

Nagrade:

- Nagrada za „FAIR PLAY EKIPU LIGE“ u Ligi za sezonu 2025/2026 iznosi u visini 100% kotizacije za ekipu u narednoj sezoni Lige (sezona 2026/2027), ukoliko liga bude organizovana u toj sezoni.³
- Nagrada za osvojeno 1. mjesto u Ligi u sezoni 2025/2026, iznosi u visini 100% kotizacije za ekipu u narednoj sezoni Lige (sezona 2026/2027), ukoliko liga bude organizovana u toj sezoni.
- Nagrada za 2. osvojeno mjesto u Ligi u sezoni 2025/2026, iznosi u visini 50% kotizacije za ekipu u narednoj sezoni Lige (sezona 2026/2027), ukoliko liga bude organizovana u toj sezoni.
- Nagrada za 3. osvojeno mjesto u Ligi u sezoni 2025/2026, iznosi u visini 25% kotizacije za ekipu u narednoj sezoni Lige (sezona 2026/2027), ukoliko liga bude organizovana u toj sezoni.
- Organizator Lige Sportsko udruženje „Fair Play“ će pokušati obezbijediti nagrade za najboljeg igrača/strijelca/golmana u skladu sa sredstvima koje uspije obezbijediti od strane sponzora Lige.

³ ekipa koja se ne pojavi na jednoj takmičarskoj utakmici tokom sezone, ne ulazi u izbor nagrade



PROPOZICIJE

„FAIR PLAY“ LIGE
ZA SEZONU 2025/2026

Član 69.

Sve ekipe su dužne uplatiti kotizaciju za sudjelovanje u takmičenju na način i u roku kojeg odredi organizator, u protivnom se smatra da su odustale od daljnjeg takmičenja.

Član 70.

U slučaju izbacivanja ekipe iz tekuće sezone zbog kršenja disciplinskog pravilnika i propozicija lige ili njenog svojevolumnog istupanja iz lige, istoj neće biti vraćen uplaćeni novac od kotizacije.

Član 71.

Za izgubljene i oštećene lične stvari igrača ili opremu ekipa, organizator ne snosi nikakvu odgovornost.

Član 72.

Učesnici takmičenja igraju na vlastitu odgovornost.

Član 73.

Prihvatanje ovih Propozicija u ime svih navedenih igrača na Prijavnom listu ekipe svojim potpisom potvrđuje predstavnik ekipe.

Član 74.

Svako spominjanje Lige, organizatora ili službenih osoba utakmice u negativnom kontekstu i vrijeđanje putem društvenih mreža, medija i drugih javnih platformi od strane učesnika Lige, te samim tim sknavljenje imena Lige, bit će sankcionisano zabranom igranja najmanje 3 utakmice.

U slučaju da se isti prekršaj ponovi ili disciplinska komisija utvrdi veći prekršaj, pojedincu ili ekipi prijeti trajno izbacivanje iz lige.

Član 75.

Prijavom učešća i nastupom u Ligi, ekipe su saglasne sa naprijed navedenim pravilima i obavezuju se da će ista poštovati, kao i trpiti sankcije u slučaju kršenja i/ili nepoštivanja Pravila i Propozicija Lige.

Član 76.

Predstavnici ekipa se obavezuju da će upoznati svakog člana svoje ekipe o sadržaju Propozicija i Pravila takmičenja lige.

Organizator će Propozicije i Pravila objaviti na službenoj web stranici, čime će isti biti dostupni javno.

Član 78.

Takmičarska komisija odlučuje o visini kazne za pojedine ekipe/igrače i zadužena je da, putem Delegata, koji nadgleda suđenje tokom trajanja lige, upozna sudije sa Propozicijama i Pravilima lige.

Član 79.

Svaki pokušaj namještanja utakmice će biti sankcionisan poništavanjem utakmice i diskvalifikacijom ekipa koje su učestvovala u namještanju utakmice.



PROPOZICIJE

„FAIR PLAY“ LIGE
ZA SEZONU 2025/2026

Učesnici u namještanju utakmice sankcionisat će se disciplinskom mjerom zabrane učestvovanja kao članovi ekipa u takmičenju Lige u vremenskom periodu od najmanje 3 godine.

Član 80.

Takmičarska komisija će o svim odlukama donesenim u toku trajanja Lige obavijestiti sve ekipe učesnice, kako bi se postigla transparentnost u donošenju i sadržaju odluka.

Član 81.

Izmjene i dopune Propozicija i Disciplinskog pravilnika takmičenja vrši isključivo Upravni odbor SU „Fair Play“, koji može u bilo kojem trenutku trajanja Lige vršiti izmjene ili dopune istih.

Član 82.

Organizator garantuje da će svi lični podaci koji se prikupe tokom trajanja Lige biti korišteni isključivo u svrhu statistike i provjere identiteta igrala, da se neće zloupotrebjavati.

Organizator preuzima odgovornost za zaštitu ličnih podataka, a sve u skladu sa važećim zakonskim propisima o zaštiti ličnih podataka.

Član 83.

Odredbe ovih Propozicija stupaju na snagu danom donošenja.

U Sarajevu, 03.11.2025. godine

Upravni odbor
SU FAIR PLAY

Broj: 02-11-5/25